

Njemačka donira Graničnoj policiji BiH opremu vrijednu 458.000 eura

U sklopu bilateralne saradnje SR Njemačke i Granične policije BiH (GPBiH), u Glavnom uredu GP-a u Sarajevu sutra će biti upriličena primopredaja donacije specijalističke opreme u vrijednosti oko 458.000 eura.



Savezno ministarstvo za unutrašnje poslove, izgradnju i zajednicu Savezne Republike Njemačke Graničnoj policiji BiH donirat će šest ATV vozila (kvadova), 10 patrolnih čamaca, 3.000 NIK testova i po 11 termovizijskih kamera i drugih uređaja za noćno osmatranje.

Ceremoniji će, između ostalih, prisustvovati ambasadorica Savezne Republike Njemačke u BiH Christiane Hohmann i direktor Granične policije BiH Zoran Galić.

Nakon ceremonije primopredaje njeni sudionici će biti u prilici obići dio opreme koja će biti izložena ispred zgrade Granične policije BiH, saopšteno je iz ove policijske agencije, prenosi "Fena".

Haber.ba